

Guggt eich um

Jetzt iss e schee Zeit ferr nooch de Veeschel ze gugge. Weil die Beem hawwe noch nitt dess gonse Laub unn doo konnsde seh wie die jetzt ihr Nessder baue. Awwer nor die gruuße Nessder vunn dene gruuße Veeschel wie die Atzele unn die Rawe, also die Rawekrähe unn die Saatkrähe, und grad vunn dene Saatkrähe konnsde e mords Kolonie seh uff de onner Seit vumm Moo in dene Beem nitt weit ewegg vunn de Brigg.

Wennde donn ins Ried fahrn dust unn dorsch Trewwer dorsch bist siehdsde in de Näh vunn de Hessenaue vill Graugäns unn Schwän uff de Felder, siehst Störch uff verschiedene Nessder unn iwwerall uff de Äcker. Wenn merr donn noch droo denke dut, dass aach die Kraniche immer mieh werrn, in Europa unn aach in Deitschlond, donn kann merr denke, je greeßer su enn Voochel iss, umso leichter isser ze schitze unn umso mieh duts vunn dene gewwe. Doo iss ebbes droo, weil merr hott de Störch vorfabrizierde Nessder uff Stonge gebaut unn dene Kraniche in de Uckermark unn drumerum kimmt ze gut, dass driwwe im Osde immer wenischer junge Leit dehoom sinn, die mett ihrne Mountainbikes dorsch die Wälder rase unn Mensch unn Vieh verrickt mache. Unn wenn donn noch Wasser in de Wälder iss, wo nitt die Füchs onn die Nessder kumme, könne die Kraniche dort ihr Eier leesche unn ihr Junge großzieh. Aach die Seeadler unn die Fischadler werrn mieh, weil dene ihr Nessder vor Räuwer, also aach vor menschliche Eierklauer geschitzt werrn, weil Nadurschitzer die Nessder su long bewache dun, bis die Junge gruß sinn.

Awwer wassde kaum noch siehst unn aach nimmi heern dust sinn die Veeschel, die in de Wisse odder im Feld uffem Boddem ihr Nistplätz hawwe. Aach im Ried siehdsde kaum noch enn Kibitz, heerst kaum noch e Rebhinkel unn aach die Fasane werrn immer wenischer. Dess iss aach koo Wunner, die Hälft vunn de Äcker im Ried sinn mett Folie abgedeckt ferr Spaschele unn aach ferr Erdbeern. Unn uff dem Rest onn Äcker fresse die Störch alles ewegg, was dort onn Veeschel unn Säugetiern grad uff die Welt kumme iss. Unn wenn isch droo denk, dass in de Bachwisse su in de Näh vunn de Wissemiel kaum noch enn Kuckuck, koon Pirol unn vor allem koo Turteldäubsche mieh ze heern iss, weilse halt nimmi doo sinn, doo kennt isch flenne.

Omm meisde awwer sinn grad die Veeschel betroffe, die merr sunnst im Gadde geseh unn singe geheerd hott, dess fängt schunn bei de Omsele oo unn die fresse Werrm. Awwer all die Veeschel, die vunn de Insekte lewe dun, werrn immer wenischer, also aach die Schwalwe unn die Mauerseeschler.

Was geesche dess Verschwinde vunn de Insekte ze mache iss, doodriwwer werdd dischpediert, aach im Fernseh, awwer bis doo ebbes gemacht werdd, dess dauert. Jetzt hawwe joo die Bayern e Volksbegehrn gemacht „Rettet die Bienen“, unn donn solle aach Gesetze gemacht werrn, die nitt nor dene Biene, naa, aach alle onnern Insekte ze gut kumme.

Heit duts genuch Gifte unn Pestizide gewwe, die eischendlich nimmi verwend werrn derrfde odder sollde, awwer wenn merr uff de onner Seit lese muss, dass dess Getreide uff de Welt bald nimmi lange dut, die gonse Mensche uff de Welt ze ernährn unn dass merr grad ferrs Getreide die Gifte unn Pestizide brauche dut doo kimmts su emm Alte wie ich ooner bin longsom vor, dess nitt nor die Veeschel unn die Biene, naa, dass aach die Mensche nimmi long uff dere Erd iwwerlewe kenne. Also guggt eich um, so longs noch ebbes ze gugge gibt.

Eiern Honnes